

## Hymn.

1. **P** U-er na-tus in Béthlehem, alle-lú-ia : Unde gaudet  
 Je-rú-sa-lem, alle-lú-ia, alle-lú-ia. *R.* In cordis jú-bi-lo  
 Christum na-tum ado-rémus, Cum novo cánti-co.

2. Assúmpsit carnem Fílius, allelúia,  
 Dei Patris altíssimus, allelúia, allelúia. *R.* In cordis.
3. Per Gabriélem núntium, allelúia,  
 Virgo concépit Fílium, allelúia, allelúia. *R.* In cordis.
4. Tamquam sponsus de thálamu, allelúia,  
 Procéssit Matris útero, allelúia, allelúia. *R.* In cordis.
5. Hic jacet in praesépio, allelúia,  
 Qui regnat sine término, allelúia, allelúia. *R.* In cordis.
6. Et Angelus pastóribus, allelúia,  
 Revélat quod sit Dóminus, allelúia, allelúia. *R.* In cordis.
7. Reges de Saba véniunt, allelúia,  
 Aurum, thus, myrrham ófferunt, allelúia, allelúia. *R.* In cordis.
8. Intrántes domum ívicem, allelúia,  
 Novum salútant Príncipem, allelúia, allelúia. *R.* In cordis.
9. De Matre natus Vírgine, allelúia,  
 Qui lumen est de lúmíne, allelúia, allelúia. *R.* In cordis.
10. Sine serpéntis vúlneru, allelúia,  
 De nostro venit ságuine, allelúia, allelúia. *R.* In cordis.
11. In carne nobis símilis, allelúia,  
 Peccáto sed dissímilis, allelúia, allelúia. *R.* In cordis.
12. Ut rédderet nos hómínes, allelúia,  
 Deo et sibi símiles, allelúia, allelúia. *R.* In cordis.
13. In hoc natáli gáudio, allelúia,  
 Benedicámus Dómino, allelúia, allelúia. *R.* In cordis.
14. Laudétur sancta Trínitas, allelúia,  
 Deo dicámus grátias, allelúia, allelúia. *R.* In cordis.